

Basel, 4. September 1576

Von Bonaventura Vulcanius

Konzept: UB Leiden, VUL 36, fol. 72v.

Edition: De Vries de Heekelingen S. 182, Nr. 80.

Wolfio.

Redditae mihi sunt nuper literae D. Joannis Baptistae Heintzelii, quae mihi multis nominibus longe quam gratissimae, primum quod a tanto viro ut profecto ὄνευ κολακείας est magnus, essent profectae, deinde quod graecis codicibus, quos petieram essent comitatae, denique quod salutem abs te mihi adscriptam continerent, de cuius non solum afflita valetudine, verum etiam de obitu acerbissimus nuntius nobis antea allatus fuerat, quam quidem nonnulli ita confirmabant ut Xylandrum in locum tuum suffectum esse assererent: quod certe falsum fuisse et illius obitus paucis post diebus nobis nuntiatus et tua incolumitas abunde summa bonorum et doctorum virorum cum voluptate declaravit. Gratulor itaque tibi istam sive μετεμψύχωσιν sive παλιγγενεσίαν et tibi pro amicissima mei memoria gratias habeo quam possim maximas. De me vero ita tibi persuadeas velim, Vulcanium studio atque benevolentia erga te singulari amicorum tuorum cessurum nemini, neque quidquam mihi gratius accidere posse, quam si occasio declarandi re ipsa animi mei aliquando sese offerat.

Bene vale, vir clarissime et me vicissim ama. Basileae, 4 Septembris 1576.